



Publicaziuns dalla vischnaunca, jamna 16

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2009-1060

Vischnaunca politica, caum postal 57, 7180 Disentis/Mustér; senda nova naven da Pardi a Stavel, parcella 2541, Pardi/Stavel, 7180 Disentis/Mustér.

Nr. 2010-1011

Yves Ziehler, Kindergartenweg 8, 8182 Hochfelden; casa da pliras habitaziuns, midada d'intent dil balcon (vetrificaziun cumpleina) e renovar la habitaziun sut il tetg, parcella 800, Via Lucmagn 19, 7180 Disentis/Mustér.

Nr. 2010-1013

Giusep Demont, Küngebrunnenweg 7, 4410 Liestal; endrizar ina habitaziun el surcombras, parcella 1211, Gassa da Cuoz 25, 7186 Segnas

Nr. 2010-1014

Floris Van-Hooft, Via Curtins 6, 7186 Segnas; renovaziun dalla casa, parcella 11, Via Curtins 6, 7186 Segnas.

Nr. 2010-1015

Hans Möckli-Fry, Via Davos-Mustér 4, 7180 Disentis/Mustér; sanaziun energetica dalla casa e construcziun d'ina kuchera, parcella 899, Via Davos-Mustér 4, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 20-4-2010
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 23 d'avrel 2010 allas 19.30 uras** en stanza da seduta el plaunterren dalla casa communal ad ina seduta.

Tractandas:

1. Protocol nr. 9-2009/2012
2. Rapport da gestiun 2009 (messadi nr. 15-2009/2012)
3. Rapport da quen 2009
4. Revisiun dil regulativ da taxas tier la lescha davart igl allontanament e la purificaziun dallas auas (messadi nr. 14-2009/2012)
5. Casa communal: credit per la sanaziun
6. Program d'activitad 2009–2012: repassar ed adattar (cuntinuaziun dalla tractaziun dils 27 da fevrer 2010)

Il president dil cussegl da vischnaunca

Sanaziun dalla casa communal – petiziun pertuccont las sculpturas

Ils 14 da december 2009 ha il cussegl da vischnaunca concediu unanimamein in credit da frs. 480 000.– per la sanaziun dalla casa communal. Quella decisiun ei vegnida suttamessa al referendum facultativ. Cunquei che negin ha fatg diever da quella pussevliadad, ei il conlus definitiv e la suprastanza communal ha l'obligaziun da realisar la sanaziun.



Il 2 da fevrer 2010 ei ina petiziun «encunter la dislocaziun dallas sculpturas da pader Hildebrand Bernet OSB che simboliseschan la defensiun dil vitg tier l'invasiun franzosa 1799» vegnida inoltrada. Ella ei suttascretta da 300 habitonts da Mustér. Tenor constituziun communal ei la suprastonza communal obligada da prender ina posiziun en caussa e da dar ina risposta en scret enteifer treis meins.

La suprastonza communal ha priu fetg serius ils giavischs da vischins e vischinas da mantener las sculpturas. Per saver renovar la fatschada ston ellas vegnir demontadas, refrestgentadas e lu puspei montadas. Ins ha examinau, sch'ei dess in megliaer plaz per pustar las sculpturas.

Malgrad tuttas stentas han ins buca anflau auters loghens adattai e digns per quei intent. La suprastonza communal ei era seconferida cun igl exponent dalla petiziun per endriescher ils giavischs e per tschercar comunablamein sliaziuns acceptablas per tuts pertuccai.

Dapi la decisiun dil december 2009 ein entgins fatgs semidai e pretendan ina reponderaziun. Denter auter han las sondaziuns pli detagliadas mussau, ch'ei seigi prudent e necessari da remediar el medem mument aunc entginas ulteriuras munconzas dalla casa communal sco remplazzar las installaziuns electricas ed electronicas (che corrispundan buca pli allas prescripziuns hodiernas), da migliurar l'isolaziun interna (p.ex. escha) e da remplazzar parzialmein il mobiliar (ch'ei per part ina mischeida da cumpras d'ocasiun duront varga 20 onns).

Oravontut se presenta nunspetgadamein ina pusseivladad da separticipar ad in sistem da scaldament central, aschia ch'il scaldament d'iel sa vegnir remplazzaus. Quel havess aschia ni aschia stuiu vegnir sanaus en dus onns. Tut quellas midadas ed adattaziuns cuostan frs. 300 000.–.

Considerond quels fatgs ei la suprastonza communal—en concordanza cun la cumissiun da gestiun—vegnida alla conclusiun d'incorporar tut quels postulats per sanaziuns e midadas en in pachet e suttametter il project per ina sanaziun dalla casa communal sco ina suletta fatschenta alla votaziun dil pievel. Ei setracta d'in credit total da frs. 780 000.–.

Cun quella summa eis ei pusseivel da renovar la casa communal en ina moda, che duess satisfar als basegns dils proxims 30 onns.

El medem mument duei era la damonda dil manteniment dallas sculpturas vegnir suttamessa alla votaziun dil pievel. Aschia sa il suveran decider surlunder. Il cussegl da vischnaunca tracta quella fatschenta ils 23 d'avrel 2010 e la votaziun dil pievel ei previda per ils 13 da zercladur 2010.

Suprastonza communal

Rimnada dils rumians da casa e rufids blocconts

Els posts da rimnada dalla Regiun Surselva astgan rumians da casa vegnir deponi mo en sacs verds da 15 entochen 110 liters a frs. 0.80 entochen frs. 4.80 per sac. Per rauba blocconta da pintga dimensiun (12 kg) drova ei 2 marcas cotschnas (total frs. 5.–) e per rauba blocconta da 12–30 kg 3 marcas (total frs. 7.50).

Igl ei scumandau da deponer rauba blocconta da gronda dimensiun ni rumians en sacs buca ufficials dalla Regiun. Ils sacs ufficials san vegnir retratgs dall'administraziun communal, Volg, Coop, Eurospar, Neue Disentiserhof AG, Posta e Sedrun Mustér Turissem.

Il davos temps eis ei vegniu deponiu repetidamein rumians en ina fuorma buca lubida (sacs buca ufficials ni en ina outra moda) els posts da rimnada. En plirs cass han ins saviu eruir ils pertuccai e la Regiun Surselva ha instradau ina procedura da castitg.

Tgi che depona sacs buca ufficials e rauba blocconta senza la taxa d'embaladi vegn castigaus cun frs. 100.– ed en cass da repetiziun cun frs. 200.–. Gest tenor situaziun vegn ei aunc incassau per l'inquisiziun e la taxa da copiatura frs. 80.– sco era ina taxa da dismessa da frs. 50.–.



Nus supplichein vischinas e vischins d'observar las prescripziuns vertentas e da contribuir ad in bi maletg da nossa vischnaunca. Ils organs communalns ein obligai d'annunziar surpassaments alla Regiun Surselva.

Per Vossa collaboraziun admettein nus a Vus in cordial engraziament.

Disentis/Mustér, ils 12-4-2010
Suprastonza communal Disentis/Mustér

Sclamada da fossas

Tenor las prescripziuns digl art. 12 dalla lescha davart il satrar ed igl uorden santeri dalla vischnaunca da Mustér munta il temps da ruaus per fossas a 20 onns.

Sin fundament da quellas prescripziuns vegnan suandontas fossas en santeri a Sogn Gions sclamadas:

- **Carolina Cathomen**, morta ils 21 da zercladur 1987
- **Barla Columberg**, morta ils 13 d'avrel 1989
- **Doris Cron**, morta 1989
- **Attilio Deragisch**, morts ils 29 d'avrel 1986
- **Johanna Hosang**, morta ils 7 da mars 1989
- **Aluis Pally-Caminada**, morts ils 28 da fevrer 1989
- **Giorges René Venzin**, morts igl 1. da fevrer 1987
- **Thomas Watts**, morts ils 2 da zercladur 1988
- **Antonio Zuanel**, morts ils 8 da fenadur 1989

Parents che giavischan da far diever dil monument, vegnan supplicai da s'annunziar entochen ils **7 da matg 2010** tier l'administraziun communal (tel. 081 920 36 36).

Suenter quei termin vegn il monument allontanus e la fossa sliada.

Disentis/Mustér, ils 23-4-2010
Uffeci da baghegiar Disentis/Mustér

Vischinadi d'Acletta Radunanza ordinaria

Dumengia, ils 25 d'avrel 2010 allas 13.15 el hotel Péz Ault.

Tractandas:

1. Beinvegni
2. Elecziun da dus dumbravuschs
3. Prelecziun ed approbaziun dils protocols
4. Rapport annual dil president
5. Quen e rapport dils revisurs
6. Fixaziun taxa da fiug
7. Elecziuns
8. Program da lavur
9. Varia

Naven dallas 14.00 ei previu in suentermiezdi da jass/troccas (mira annunzia).

Cordialmein envida
la suprastonza dil vischinadi Acletta



Suentermiezdi da jass e troccas

Nus envidein tut(ta)s convischin(a)s ad in suentermiezdi da divertiment da jass e troccas **dumengia, ils 25 d'avrel 2010** e quei naven dallas 14.00 entochen ca. allas 17.00 ell'ustria Péz Ault.

Ei vegn offeriu in pign refrestg.

La suprastonza dil vischinadi d'Acletta

Rimnada da pupi

Venderdis, ils 30-4-2010

Adatg! Ei vegn mo rimnau: gasettas, illustradas, catalogs, cudischs e prospect stampai

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca durant la rimnada.

Bien engraziament per Vies agid e sustegn!
Scolas Mustér, Ch. Berger

Ordinaziun pils scolars

Naven dad immediat valan las suandontas ordinaziuns:

1. Ils vehichels astgan buca vegnir manischai entras scolar(A)s. Mo personas sur 20 onns san star a disposiziun per guidar in vehichel.
2. Igl ei scumandau rigurusamein da seser sin la punt d'in vehichel. Quei scamond vala avon, durant e suenter la rimnada da pupi.
3. Tut ils scolars che separticipeschan alla rimnada da pupi ston purtar ina vesta da segirtad. Ils geniturs dils scolars pertuccai ein responsabels d'equipar els cun ina tala. (Vesta oranschha ni melna cun sdremas reflectontas ch'ei obligatoria en scadin auto da personas.)
4. Ils scolars han da suandar absolutamein las ordinaziuns dallas personas d'instrucziun che sesanflan els quaters.
5. La rimnada da pupi succeda entras la 3. sec./reala e la 2. sec./reala

Cun quellas mesiras lein nus evitar accidents sco tals ch'ei schabegjai a Mustér ed en auters loghens. Surschazegiar sesez, surpassaments dallas prescripziuns, vehichels pli gronds e pli sperts ein ils motivs principals per ils accidents succedi.

Cussegl pastoral, Mustér Cerchel sozial caritativ

Nus envidein cordialmein nossas senioras e nos seniors ad in **gentar comunabel**.

Gievgia, ils 29 d'avrel 2010 allas 12.00 el restaurant Cruna, Mustér.

Prezi per il gentar: frs. 20.–.

Annunzias tochen ils **24 d'avrel** per tel. 081 947 58 27 ni 081 947 53 73.



Prendei quella caschun da star da cumpignia, da dar ina paterlada, in scart troccas ni jass.

Nus selegrein sin stedia participaziun.

Claude Longchamp, Politikwissenschafter, Wahl- und Abstimmungsforscher, im Disentiser Klosterforum

Am **Freitag, 30. April 2010**, findet im Disentiser Klosterforum die zweite Veranstaltung des Jahres 2010 statt.

Um 20.30 Uhr spricht im Peter-Kaiser-Saal (Theatersaal) des Klosters der Politikwissenschafter, Wahl- und Abstimmungsforscher Claude Longchamp über das Thema: «Direkte Demokratie: eine schweizerische Besonderheit, die es verdient, richtig verstanden zu werden».

Claude Longchamp leitet das Institut gfs.bern, Forschung für Politik, Kommunikation und Gesellschaft, und ist Lehrbeauftragter für Politikwissenschaft an den Universitäten St. Gallen und Zürich.

Herzliche Einladung
Kloster Disentis: P. Urban Affentranger
Kollekte zur Deckung der Unkosten.

Sentupada Nordic Walking

Per tut tgi che ha plascher da Nordic Walking s'entupein nus mintgamai la mesjamna allas 19.30 avon halla Cons.

Adatg: las empremas duas ga s'entupein nus mardis, ils 20 d'avrel e mardis, ils 27 d'avrel.

Naven dils 5 da matg mintgamai la mesjamna sera sco ils onns vargai.

Sin stedia participaziun selegra
la menadra: Erna Hosang

Fiasta da giubileum 40 onns Budo Disentis Tombola

Ils suandonts premis principals san aunc vegnir retratgs tier il Budo Disentis entochen ils **30 d'avrel 2010**:

televisiun, lottaria nr. 604
canaster da carn, lottaria nr. 793

S'annunziar tier: Flepp Aluis, cassier, 079 249 52 85.

Producziuns finalas Movis – moviment e sault per affons e giuventetgna

10 gruppas d'affons e giuventetgna da Mustér e contuorn presentan lur coreografias ch'ellas han exercitau durant igl onn da sault 2009/10.

Cu? Venderdis, ils 23-4-2010 allas 20.00 uras
Sonda, ils 24-4-2010 allas 20.00 uras
Dumengia, ils 25-4-2010 allas 17.00 uras

Nua? Halla Cons, Mustér

Sin Vossa viseta selegran
ils Movis



**Pro Senectute Surselva
Niev il venderdis! Sault a Sumvitg
Neu am Freitag! Tanzveranstaltung in Sumvitg**

Siehe/mira sut Sumvitg.

Ludoteca Mustér
Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30

Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér
